

Y Pwyllgor Materion Cyfansoddiadol

(CA(3)-27-10)

CA501: Rheoliadau Bwyd Anifeiliaid (Cymru) 2010

Gweithdrefn: Negyddol

Mae'r Rheoliadau hyn yn darparu ar gyfer rhoi ar waith a gorfodi Rheoliad (EC) Rhif 767/2009 Senedd Ewrop a'r Cyngor ar osod ar y farchnad a defnyddio bwyd anifeiliaid.

Materion Technegol: Craffu

O dan Reol Sefydlog 15.2 bydd y Cynulliad yn cael ei wahodd i roi sylw arbennig i'r offeryn a ganlyn:-

1. Mae Atodlen 2 (Dirymiadau) o'r testun Cymraeg ym mharagraff 2 yn cyfeirio at "Rheoliadau Bwydydd Anifeiliaid a Phorthiant (Samplu a Dadansoddi) (Cymru) 2006" ("Rheoliadau 2006") pan mai'r teitl cywir yw "Rheoliadau Bwydydd Anifeiliaid a Phorthiant (Samplu a Dadansoddi) (Diwygio) (Cymru) 2006". Mae'r gair "diwygio" wedi'i hepgor. Mae fersiwn Saesneg y testun yn cyfeirio at destun y Rheoliadau 2006 cywir.

Rheol Sefydlog 15.2 (vii), sef ei bod yn ymddangos bod anghysondebau rhwng ystyr y testun Cymraeg a'r testun Saesneg, a Rheol Sefydlog (vi), sef ei bod yn ymddangos bod y gwaith drafftio'n ddiffygiol neu ei fod yn methu â bodloni gofynion statudol.

2. Mae rheoliad 7(2)(b) yn cyfeirio at deitl Erthygl 12 o Reoliad 1831/2003 fel "monitro ar ôl awdurdodi", pan mai'r teitl cywir ar gyfer Erthygl 12 yw "Goruchwyllo". Rheol Sefydlog 15.2 (vi), sef ei bod yn ymddangos bod y gwaith drafftio'n ddiffygiol neu ei fod yn methu â bodloni gofynion statudol.

3. Mae rheoliad 14 yn diwygio ac addasu Deddf Amaethyddiaeth 1970 ("Deddf 1970"). Mae amheuaeth ynghylch a yw'r pwr ar gael i Weinidogion Cymru ddiwygio deddfwriaeth sylfaenol gydag is-ddeddfwriaeth, gan ei bod yn ymddangos bod y Rheoliadau hyn yn diwygio Deddf 1970 yn gyffredinol yn hytrach na diwygio Deddf 1970 at ddibenion y Rheoliadau hyn yn unig.

Rheol Sefydlog 15.2 (i), sef ei bod yn ymddangos bod amheuaeth a yw "intra vires".

Rhagoriaethau: Craffu

Ni nodwyd unrhyw bwyntiau ar gyfer cyflwyno adroddiad arnynt o dan Reol Sefydlog 15.3 mewn cysylltiad â'r offeryn hwn ar yr adeg hon.

Cynghorwyr Cyfreithiol

Y Pwyllgor Materion Cyfansoddiadol

Tachwedd 2010

Mae'r Llywodraeth wedi ymateb fel a ganlyn:

Ymateb i'r materion a godwyd gan Gyngorwyr Cyfreithiol y Pwyllgor Materion Cyfansoddiadol (defnyddir y rhifau sydd yn yr adroddiad drafft): -

1. Mae'r gair "Diwygio" wedi ei adael allan o destun Cymraeg paragraff 2 o Atodlen 2 i'r Rheoliadau. Manteisir ar y cyfle cyntaf i wneud diwygiad priodol i'r Rheoliadau, a fydd yn mewnosod y gair yn y testun Cymraeg.

2. Pan gyfeirir mewn is-ddeddfwriaeth at ddarpariaeth ddeddfwriaethol, fel y gwneir yn yr achos hwn at Erthygl 12 o Reoliad (EC) Rhif 1831/2003, yr arweiniad a roddir yn "Statutory Instrument Practice" (Pedwerydd Argraffiad, Tachwedd 2006), paragraff 2.7.4, yw ei bod yn aml yn fuddiol ychwanegu disgrifiad byr o berwyl y ddarpariaeth honno, mewn cromfachau. Mae'r geiriau a ddefnyddiwyd yn rheoliad 7(2)(b) yn dilyn yr arweiniad hwnnw. Nid yw'r gofynion drafftio yn mynnu bod rhaid dyfynnu "teitl" y ddarpariaeth. O ganlyniad, nid ystyrir bod angen gweithredu ymhellach.

3. Mae rheoliad 14 yn gwneud diwygiadau ac addasiadau i Ddeddf Amaethyddiaeth 1970 ("y Ddeddf"), gyda'r diben o sicrhau na fydd y Ddeddf, yng Nghymru, yn anghydnaws â Rheoliad (EC) Rhif 767/2009 ("y Rheoliad EC"). Nid yw'r Rheoliadau, felly, yn amcanu i newid y Ddeddf yn gyffredinol, ond yn hytrach maent yn gwneud diwygiadau ac addasiadau i'r graddau sy'n angenrheidiol er mwyn sicrhau nad yw'r ddeddfwriaeth ddomestig bresennol yn anghyson â'r Rheoliad EC, sy'n gymwys yn uniongyrchol yn yr Aelod-wladwriaethau. Mae gan Weinidogion Cymru, yn unol â'u dynodiadau o dan O.S 2005/1971, O.S. 2005/2766 ac O.S. 2008/1792 ac adran 2(2) o Ddeddf y Cymunedau Ewropeaidd 1972, y pwr i wneud y diwygiadau a'r addasiadau gofynnol i'r Ddeddf, y mae'r angen amdanynt yn codi o'r rheoliad EC. Nid ystyrir, felly, bod angen gweithredu ymhellach.